

Ասլանը իր խօսակցութիւնը բեւեռածել արձանագրութիւնների վրայ դարձնելու նպատակն էլ հէնց այդ էր, որ միջնաբերդը տեսնէ: Այդ պատճառով, երբ որ լսեց փաշայի վերջին խոստմունքը, մեծ շնորհակալութիւն յայտնեց եւ վերկացաւ: Փաշան նոյնպէս վերկացաւ, նրան ճանապարհ դրեց մինչեւ սենեակի դուռը եւ բաժանուելու միջոցին հարիւրաւոր շողոթորթութեօլներով հեղեղեց իր «թանկագին» հիւրին...

Նոյն կերպով, նոյն հանդէսով, որպէս ղավազները մեզ բերել էին փաշայի ապարանքը, դարձեալ նոյն պատողով մեզ տարան Այգեստան, մինչեւ վարպետ Փանոսի տունը: Ասլանը դրեց ղավազների իւրաքանչիւրի ափի մէջ մի-մի ոսկի, եւ նրանք շնորհակալութեամբ հեռացան:

Մտնելով մեզ համար պատրաստած սենեակը, Ասլանը ծիծաղելով իր գլխարկը մի կողմ ձգեց եւ, գլուխը զարմացած կերպով շարժելով, կանգնեց սենեակի մէջտեղում եւ, դառնալով դէպի ինձ, ասաց.

– Խելացի՛ մարդիկ են... Խելացի՛... գիտեն իրանց գործը... Եթէ ես իսկապէս եւրոպացի լինէի, եթէ չճանաչէի այդ անպիտաններին, անպատճառ հիացած կը մնայի այդ մարդուց:

Նրա խօսքը փաշայի մասին էր: Ներս մտաւ վարպետ Փանոսը եւ անհամբերութեամբ հարցրեց, թէ ինչպէս անցաւ նրա այցելութիւնը: Ասլանը համառօտ կերպով պատմեց բոլորը եւ ապա աւելացրեց.

– Եթէ դուք գիտենայիք եւրոպական լեզուներ, եթէ դուք կարդայիք, թէ ի՞նչ են գրում եւրոպացի ճանապարհորդները թուրք ժողովրդի եւ թուրք պաշտօնեաների մասին, դուք այդ ճանապարհորդներին կատարեալ խելագարի տեղ կը դնէիք: Նրանց նկարագրութիւնների մէջ թուրք ժողովուրդը բարի է, աշխատասեր է, յառաջադիմութեան ընդունակ է. նրանց նկարագրութիւնների մէջ թուրք պաշտօնեան, թուրք աստիճանաւորը ազնիւ է, մեծահոգի է, գեղեցիկ ձգտումներ ունի, հիւրասեր է, առատածէմն է, մի խօսքով, հիացած են նրանցով, եւ ամէն լաւ յատկութիւններ վերաբերում են այդ հրեշներին: Ինչի՞ց է առաջ գալիս այդ հիացումը: Երեւակայեցէք, մի անյայտ եւրոպացի, որին իր երկրում ոչ ոք մարդու տեղ չի դնում, որի հետ իր երկրի ամենայնտին հիւրանոցում սպասաւորը իրան թոյլ կը տայ կոպտութեամբ վարոել, յանկարծ մի այսպիսի մարդու խելքին փչում է՝ արեւելքում ճանապարհորդութիւններ անել: Նրա եւրոպացի լինելը բաւական է, որ նրան ամէն տեղ լաւ ընդունէին, որովհետեւ նա այս ու այն մեծ պետութեան քաղաքացին է: Այտո ամենայնիւ, նա զինած է լինում զանազան յանձնարարական թղթերով, որ ստանում է իր դեսպանի կամ հիւպատոսների շնորհիւ: Եթէ նրա հետ վատ կը վարոեն, նրա պետութեան դեսպանը կամ հիւպատոսնե-